



Inatsisartunut ilaasortaq Lene Knüppel, Demokraterne

§ 36 tunngavigalugu GU pillugu apeqqutinut allakkatigut akissut

Inatsisartut suleriaasianni § 36, imm. 1 malillugu 25. juni 2008 GU pillugu aarlalin-
nik apeqquteqarputit.

Naalakkersuisut saaffiginninnerit kiisalu GU-mik soqutiginninnerit nuannaarutigalu-
gu tigulluarpaat immaatunillu apeqqutit tulleriinneri malillugit akissuteqarlutik:

1. Ilinniarnertuunngorniat ilinniarfiata GU-p nutarteriffigineqarneranut atatil- lugu suliaq maannakkut qanoq inissisimava?

Akissut: Ilisimaneqartutut ilinniarnertuunngorniarfinni ilinniarnarit Undervisnings-
ministeriap Danmarkimiitup ataaniipput.

GU-p nutarteriffigineqarneranut atasumik suleqatigiissitap ilinniarnertuunngorniarfiit
assigiissaarneqarnissaat pillugu piareersaataat pigineqalereerput. Ilinniarnertuun-
ngorniarfiit pioreersut tallimaasut GU-Aasiaat, GU-Nuuk, GU-Qaqortoq, HTX og
HHX allannngortinneqassapput ilinniarnertuunngorniarfinnut aaqqissuusaanikkut
nutaanut – nunatsinni ilinniarnertuunngorniarfiit assigiissut.

Kissaatigineqarpoq ilinniartut nalinginnaasumik ilisimasariaqartunik ilinniarnissamik
neqeroorfigineqarnissaat maannakkut ilinniarnertuunngorniarfinnit neqeroorutigine-
qartartumik annertunerusumik. Kissaatigineqarpoq ilinniarneq agguataarneqassa-
soq imaalillugu immikkoortoq tamanit peqataaffigineqartoq, immikkoortoq aalaja-
ngersimasunik sammisaqarfiusoq kiisalu immikkoortoq ilinniartut ataasiakkaat nam-
minneq qinersinnaasaannik imaqartoq taamaaliornikkut qulakkeerniarneqarluni na-
linginnaasumik ilisimasariaqakkat sammisassallu tunngavigalugit piginnaasaqaler-
nissaq.

Siunertaavoq 'ilinniarneq amerlasuunut', ilinniagaqartut ataasiakkaat ilimagisaat, a-
ngorusutaat piginnaasaallu isumagineqarlutik.

Immikkoortoq ataatsimoorussa q qaffasissutillu assigiinngitsut, naammassineqarsinnaallutik uki-
up siulliup naanerani imaluunniit ilinniarnertuunngorniarnerup ingerlanerani kingu-
sinnerusukkut.

Immikkoortoq aalajangersimasunik sammisaqarfiusoq aallartittassaaq ukiup ilinnia-
gaqarfiusup aappaata aallartinnerani imarisaalu tassaapput atuartitsissutit (fag) as-
sigiinngitsut qaffasissutillu assigiinngitsut qitiusumiit aalajangersukkat.

8. juli 2008
Sags.nr. 2008-009537
Dok.nr.71958

Postboks 1029
3900 Nuuk
Oq/tel +299 34 50 00
Fax +299 32 20 73
Kiiip@gh.gl
www.nanoq.gl/kiiin

Imikkoortoq ilinniartut ataasiakkaat namminneq qinersinnaasaannik imalik imaqqarpoq ilinniartup nammineq ilinniagassatut aalajangersugaanik.

Ilinniarnertuunngorniarfinni ilinniarnerep Danmarkimi nunanilu allanni ingerlaqqiffiumik ilinniarsinnaanermut matuersaataasussap pitsaassusissaa qulakkeerumallugu kiisalu censorit ilinniagassanullu siunnersortit Undervisningsministeriap ataaniitut suleqatigiissutiginnissaat pillugit, qallunaat Undervisningsministeriaqarfiani atorfillit maanilu atorfillinnit atsioqatigiissutigineqassapput. Suleqatigiinnissamut isumaqatigiissutissamut missiliuut piareersimareerpoq.

2. Nutarterinermik suliaqarnerup taamatut kinguarsimaneranut sunarpiag pissutaava, tassami Naalakkersuisut nutarterinermik suliaq aatsaat august 2011-imi atuutilernissaanut piareernissaa naatsorsuutigimmassuk?

Akissut: Ilinniarnertuunngorniarfiit Undervisningsministeriap ataaniipput, ministeriallu toqqassisimanartuutippaa nutarteriniarnermut sulineq sivisunerusimik piffissalerneqarpat. Undervisningsministeriap isummerneranut tunuliaqutaasoq ilaatigut atuarneqarsinnaavoq Ilinniarnertuunngorniarfinni Ilinniartitsissut Peqatigiiffiani ilaasortat saqqummersittagaanni "Gymnasieskolen" nr 9-2008, tassani allaaserisat arlaqartut qallunaat ilinniarnertuunngorniarfinni nutarterinermik isornartorsuisut atuarneqarsinnaallutik. Ilaatigut allaaserineqarpoq Undervisningsministeriap suleqatigiit malinnaatitaai ilinniarnertuunngorniarfinni nutarterinermut allannguutissanik arlalinnik siunnersuusioreersimasut aammalu ilinniarnertuunngorniarfinni ilinniartitsisut 35 procentiisa missaat atsioqataareersut kissaatigalugu nutarterineq nutarteriffiqineqassasoq.

Danmarkimi Ilinniarnertuunngorniarfinni nutarterinermut qisuariarnerit takutippaat taamatut nutarteriniarneq akuersaarneqassappat pisariaqartoq sukumiisumik peqataatitsissumillu sulinissaq.

3. Suliap nutarterinissaamut atatillugu ingerlatseqqinnissamik akisussaaffik kia tigummivaa? Ersseqqissumik paaserusuppara suleqatigiisit assigisaallu maannakkut nu-tarterinermi atatillugu suliaqartut qassiuppat, kikkullu inuit seleqataappat, tassa su-leqatigiisitani ilaasortaanermikkut?

Akissut: Kultureqarnermut, Ilinniartitaanermut, Iisimatusarnermut Ilageeqarnermullu Naalakkersuisoqarfik nutarteriniarnermik suliamut akisussaavoq.

Ulluni 17.-19. september Nunatsinni ilinniarnertuunngorniarfinni ilinniartitsissut, aqutsisut rektorillu suliassaqarfiusumik katerisimaartinneqassapput. Suliassaqarfiusumik katerisimaarnermi suleqatigiisit assigiinngitsut pilersinneqassapput, nutarterinermik suliaqarnermi sammivinnik assigiinngitsunik suliaqartussanik.

4. Naalakkersuisut ilinniarnertuunngorniat ilinniarsiinik GU maannakkut pio-reersut saniatigut allanik illoqarfinni allani pilersitsinissamik pilersaaruteqarnerlutik, soorlu assersuutigalugu Sismiuni? a. Taamaangippat sooq?

Akissut: Ilinniarnertuunngorniarfiit assigiimmik ingerlasut pilersinneqarnerannut atasumik kommunerujussuannngortussani tamani ilinniarnertuunngorniarfiit assigiimmik ingerlasut pilersinneqassapput. Ilinniarnertuunngorniarfiit Aasianni, Sisimiuni, Nuummi Qaqortumilu pilersinneqassapput.

Maannakkut Sisimiuni Qaqortumilu ilinniarnertuunngorniarfinni ilinniagassanut allanut neqeroorutinit ilaapput HTX- aamma HHX-imi ilinniarnertuunngorniarfiit. Pilersaarutineqarpoq ilinniarnertuunngorniarnerup aallartinnerani ilinniartuusussat kommunip angerlarsimaffigisap ilinniarnertuunngorniarfiani inissinneqassasut. Ukiup siulliup ingerlanerani ilinniartoq qinersissaaq, ilinniakkami siunnerfik sorleq qinnuteqarfissatut kissaatiginerlugu, tamaalineranilu ilinniagassani siunnerfiit sisamat neqeroorutigineqartut arlaat toqqarneqarsinnaassaaq aammalu toqqarlugit sammineqarsinnaasut sisamaasut ilinniarnertuunngorniarfimmi ataasiinnarmi ingerlanneqartut arlaat qinnutigineqarsinnaassalluni. Ilinniartoq toqqarlugu sammineqarsinnaasu-mik atuarfimmi allami ingerlanneqartumik qinnuteqassagaluaruni ilinniartoq atuarfimmut allamut nuutariaqassaaq. Ilinniartut siunnerfeqarluartut immikkut akuerineqarsinnaassapput ukiup atuarfiusussap siulliup aallartinnerani kommunerisami ilinniarnertuunngorniarfimmiunngitsoq aallartissinnaanissamut.

5. Ilinniarnertuunngorniat ilinniarsiinut GU-nut tunngatillugu Naalakkersuisut allanik soqutiginarfik allanik saqqummiussassaqarnerlutik?

Akissut: Ilinniarnertuunngorniarfinni taamaatiinnartartut kiisalu ilinniarnertuunngorniarfinni ilinniartitsissut taarsaannerujussuannik ajornartorsiutit amerlanersaat pissuteqarput tassaangaannartumik ilinniarnertuunngorniarfinni ilinniartitsissunik amigaaqeqalarterneq. Tamanna qaangerniarlugu KIIN-imiit arlalinnik pilersaarusiortoqarpoq.

Ajornartorsiutit ilaat aallaaveqarput akissarsiaqippallaarnermik kiisalu ilinniarnertuunngorniarfinni ilinniartitsissunut atugassarititat naammaginanginnerinik. KIIN-i suleqataavoq ajornartorsiutit tamakku anigorneqarnissaannut. Ilinniarnertuunngorniarfinni ilinniartitsissut akissarsiaat ilinniagartuutut atorfinni allani akissarsianut u-nammillersinnaalersariaqarput, ilinniarnertuunngorniarfinni ilinniartitsissunik naam-mattunik pissarsisinnaassagutta kiisalu atorfeqareersut tiggummiinnarsinnaassagu-tsigit. Suliffiup sivisussusissaannik isumaqatigiissut atuuttoq nutaanngilisimavoq, sulissutigineqartariaqarporlu ullutinnut naleqquttumik suliffiup sivisussusissaannik nutaamik ilinniarnertuunngorniarfinni ilinniartitsissunik isumaqatigiissusio-riissaq. KIIN-imiit Namminersornerullutik Oqartussani Isumaqatigiissusiortarnermut immikkoortoqarfik allaffigineqareerpoq sulissutigineqaqqullugu pissutsit taaneqareersut ilinniarnertuunngorniarfinni ilinniartitsissut suleqatigiiffiinnik isumaqatigi-inniarnissani iluarsiniaqqullugit.

Ilinniarnertuunngorniarfinni ilinniartitsissunik amigaaqeqarnerujussuaq matussuserumallugu KIIN-ip sulissutigaaq ilimmarfimmi ilinniarnertuunngorniarfinni ilinniartitsissussatut ilinniarnertuunngorniarnerup eqquneqarsinnaanissaa, tamanna § 36 tunngavigalugu ilimmarfik pillugu apeqquteqaammut akissummi naatsumik allaaserineqareerpoq. Tamanna pilersaarutiginerpoq ukiup atuarfiusup 2008/2009 aallartinnerani atuutilissasoq, pingaarnertut aammalu saniatigut

atuarneqarsinnaassallutik *Kulturimik inuiaqatigiilerinikullu oqaluttuarisaaneq, Allaf-fissorneq, Oqaatsit, Atuakkialerineq Tusagassiutilerinerlu*. Tamatuma saniatigut sulissutigineqarpoq pinngortitalerinermut tunngasunik (matematik, fysik, kemi, il.il.) saniatigut atuartitsissutioriornissaq Artek/Sanaartornermik Ilinniarfimmi, Det Tekniske Universitet Danmarkimiittoq suleqatigalugu.

Inussiarnersumik inuulluaqqusillunga

Tommy Marø